



Inuussutissarsiutigalugu aalisartunut piniartunullu umiatsiaararsinissamut angallatinissamullu tapiiffigitittalernissaat anguniarlugu inuussutissarsiutigalugu aalisartut piniartullu siuarsarnissaanut inatsit Naalakkersuisut allannguutissaanik siunnersuuteqarnissaat pillugu oqallisissaq.
(Inatsisartunut ilaasortaq Jens Napâtôk, Naleraq)

Qujanaq Inatsisartunut ilaasortaq Jens Napâtôk siunnersuummut.

IA aamma Siumut ilisimaneqareersutut nutaamik aalisarnermut inatsisiliorput, tamatsinnut ajorluinnartumik pingaartumik aalisartut aningaasatigut periarfissaannut.

Arlalippassuartigut, inatsit eqqarsaatigilluarneqarsimanngilaq, aammalu ajorluinnartunik kingunerluuteqarsinnaasunik. Assersuutigalugu aalisartorpassuaqarpoq, namminersortunit aningaasaliiffiqeqarsimasunik, maannakkut ajornartorsiulertussat. Tamanna pisussaavoq, ingerlatsiviit angallatit qularnaveeqqutigimmatigut eqqorneqartussaallutillu aalisarnermut inatsisitaami pisassiissutissanik toqqaannangikkaluamik piginnittuunermi. Uani pisortanit arlaatigut ikiorsiissuteqanngippat, tassanngaannartumik akiitsoqartoqalissaaq 100 millioner koruunit sinnerlugit, erngerlutik ingerlatsivinnut akilerneqartussanik.

Ersarissorujussuuvuq, tamanna pisinnaanngitsoq. Naalakkersuisut ajornartorsiut taanna qanoq iliuseqarfigilersaarpaat?

Aaqqiinerusinnaanngilarmi aalisartut qimarratigiinnarnissaat. Naalakkersuisummiuku, IA aamma Siumut, pisuussutigigaat, ajornartorsiutip uuma pilenera nutaamik aalisarnermut inatsisiliornerup malitsigisaanik.

Aalisarnermut inatsisip nutaap kingunerisa ilagaattaq, piginnittusaaqerup siammarnissaa. Tassa kingunerissallugu, inuussutissarsiutigalugu angallatinik amerlanernik pisariaqartitsisoqalernissaq. Ersarlupporli, kiap tamanna aningaasalersussaneraa? Ilimanaateqanngilarmi, aningaaseriviit namminersortut taarsigassarsitserusunerat. Taamaaliorusunngilluinnassappullu naammattumik qularnaveeqquteqanngikkunik. Kiammi taava akilissavai?

Malittarisassat maannakkutut itsillugit maannakkorpiaq inuussutissarsiutigalugu aalisariutissamut killilimmik tapiisoqarsinnaavoq, sinnerami kia akilissuaa? Amerlanngitsuinnaat, taarsigassarsinissaminnut periarfissaqanngitsut taama annertutigisumik akiliinissaminnut kisimik periarfissaqassagunarput, taperneqarnissamut pisinnaatitaaffeqarsimagunik.

Nalorninartorpassuaqarpoq, taamaattumillu pingaartuuvuq, oqallinneq maannangaaq ingerlakkutigu. Aalisarneq inuussutissarsiutitsinni pingaarnarpaamik taamaattuassallunilu nutaamilluunniit aalisarnermut inatsiseqaleraluarpat.



DEMOKRAATIT
DEMOKRATERNE

Tassalu Demokraatit oqallinnermut isummersuutaat.